



Pou Piblikasyon Imedya: 22/04/2024

GOUVÈNÈ KATHY HOCHUL

**GOUVÈNÈ HOCHUL LANSE KONSÒSYÒM EMPIRE AI KI PRAL FÈ NEW YORK
VIN LIDÈ MONDYAL NAN ENTÈLIJANS ATIFISYÈL NAN KAD BIDJÈ ANE FISKAL
2025 KI TE ADOPTE A**

Bidjè Ane Fiskal 2025 ki te adopte a gen ladan investisman 10 ane ki se 275 milyon dola pou kreye yon sant enfòmatrik entèlijans atifisyèl dènye modèl nan University at Buffalo

Gouvènè a jwenn yon akò tou sou lejislasyon pou pwomouvwa yon AI ki an sekirite epi ki gen etik lè li egzije divilgasyon sou kominikasyon politik ki genyen medya twonpè yo

Bati sou angajman Gouvènè a pou fè New York yon lidè nan devlopman teknoloji dènye kri

Gouvènè Kathy Hochul te anonse jodi a yon akò istorik ak Lejislati a pou wtabli Empire AI, yon konsòsyòm inik pou asire plas New York nan tèt rechèch sou entèlijans atifisyèl, nan kad Bidjè Ane Fiskal 2025 la. Konsòsyòm lan pral pwofite yon investisman 275 milyon dola pou kreye ak lanse yon sant enfòmatrik entèlijans atifisyèl dènye modèl nan kanpis University at Buffalo a. Sant lan pral itilize pa enstitisyon prensipal New York yo pou ankouraje rechèch ak devlopman responsab, kreye djòb, ak avanse AI pou byen piblik la.

"Kèlkeswa moun ki nan devan entèlijans atifisyèl la pral domine pwochen chapit listwa imen an – epi mwen pran angajman pou sezi opòtinite sa a isit nan New York", **Gouvènè Hochul te deklare.** "AI pral gen yon efè transfòmasyon sou ekonomi ak endistri nou yo, epi investisman sa yo asire ke n ap itilize opòtinite kwasans ekstrawòdinè pou benefisye Nouyòkè yo."

Aksè ak resous enfòmatrik ki alimante sistèm IA yo koute chè anpil epi difisil pou jwenn. Resous sa yo de pli zan pli konsantre nan men gwo konpayi teknoloji yo, ki kenbe gwo kontwòl ekosistèm devlopman IA a. Pa konsekan, chèchè yo, òganizasyon enterè piblik yo ak ti konpayi yo ap rete dèyè, sa ki gen gwo enplikasyon pou sekirite AI ak sosyete a an jeneral. Empire AI pral konble vid sa a epi akselere devlopman IA ki santre sou enterè piblik la nan Eta New York. Pèmèt rechèch ak devlopman pyonyè nan IA sa a

pral ede tou enstitisyon edikatif yo mennen nan jèn antrepriz teknoloji lavni yo ki konsantre sou IA, pou mennen nan ogmantasyon travay.

Konsòsyòm Empire AI a pral genyen sèt enstitisyon fondatè ki baze nan New York: Inivèsite Columbia (Columbia University), Inivèsite Cornell (Cornell University), Inivèsite New York (New York University), Enstiti Politeknik Rensselaer (Rensselaer Polytechnic Institute), Inivèsite Eta New York (State University of New York, SUNY), Inivèsite Vil New York (City University of New York, CUNY) ak Enstiti Flatiron (Flatiron Institute) Lè nou ogmante kolaborasyon ant enstitisyon rechèch klas mondya Eta New York yo, Empire AI pral pèmèt rive nan anplè ki pa posib pou yon sèl inivèsite atenn poukont li, bay otonomi ak atire gwo pwofesè ak elaji opòtinite edikatif yo, epi mennen nan yon vag inovasyon responsab ki pral ranfòse anpil ekonomi eta nou an ak sekirite nasyonal nou.

Inisyativ la pral finanse pa plis pase 400 milyon dola nan investisman piblik ak prive, ki gen ladan yon investisman sibvansyon kapital 250 milyon dola, ak 25 milyon dola sou dizan nan finansman SUNY. Pwojè a pral resevwa tou plis pase 125 milyon dola nan men enstitisyon fondatè yo ak lòt patnè prive, tankou Fondasyon Simons ke Enstiti Flatiron travay pou li pou avanse rechèch atravè metòd enfòmatis, ak Tom Secunda, ko-fondatè Bloomberg LP ak Secunda Family Foundation, ki bay plizyè milyon dola pa ane nan sibvansyon pou konsèvasyon, swen sante, avansman syantifik ak lòt kòz.

Anplis de sa, nan kad Bidjè a, Gouvènè Hochul te siyen lejislasyon pou priorize itilizasyon ki gen etik epi ki an sekirite pandan eta a kontinye devlope anprent AI li. Lejislasyon an gen ladann yon egzijans pou tout fòm komunikasyon politik – tankou imaj, videyo, odyo, tèks oswa nenpòt reprezantasyon teknolojik nan diskou oswa konduit – divilge itilizasyon medya ki materyèlman twonpè.

Pwogram Inovasyon Gouvènè Hochul

Angajman Gouvènè Hochul pou fè avanse lidèchip New York nan entelijans atifisyèl chita sou pi gwo ajanda li a pou elaji devlopman teknoloji dènye kri nan Empire State la. Gouvènè Hochul te anonse dènyèman ke Direktè Egezekitif Jeneral IBM Arvind Krishna ak Direktè Egezekitif Jeneral Girls Who Code Doktè Tarika Barrett pral ko-prezide nouvo Konsèy Konsiltatif Teknoloji k ap Emèje a – yon gwoup endepandan lidè endistri ki responsab pou enfòmè ak akselere transfòmasyon New York pou tounen yon sant pou kwasans ak inovasyon. Gouvènè a te siyen anvan sa lejislasyon istorik Green CHIPS New York pou estimile rechèch, devlopman ak fabrikasyon semi-kondiktè nan Eta New York epi li te anonse yon patenarya 10 milya dola pou pote rechèch pis pwochèn jenerasyon an nan Konplèks NanoTech Albany NY CREATES la. Gouvènè a te kontinye fè avanse yon Inisyativ Syans Lavi 620 milyon dola pou sipòte inovasyon nan rechèch byomedikal. Ak atravè envestisman estratejik tankou inisyativ Battery-NY 113.7 milyon dola, Gouvènè Hochul te ankouraje kwasans dirabilite, teknoloji vèt, ak ekonomi estokaj enèji nan Eta New York.

Ajanda inovasyon Gouvènè a te katalize gwo investisman piblik ak prive, ki transfòme ekonomi New York epi kreye travay ki byen peye nan lavni. Dènyèman, GlobalFoundries te anonse yon investisman 11.6 milya dola pou elaji kanpis

fabrikasyon pis li yo nan Rejyon Kapitòl New York, sa k ap kreye 1,500 djòb dirèk ak plizyè milye djòb endirèk. An 2022, Micron te anonse yon investisman 20 ane, 100 milya dola pou kreye yon kanpis megafab nan Sant New York, k ap kreye 50,000 nouvo djòb dirèk ak endirèk epi debloke plizyè santèn milyon dola nan benefis kominote a. Inisyativ Syans Lavi Gouvènè a te ede solidifye seleksyon New York pou 300 milyon dola Chan Zuckerberg Biohub New York, yon sant rechèch byomedikal nan Vil New York, ak gwo investisman Schrödinger, Inc., Deerfield Discovery and Development, ak lòt biznis syans lavi yo. Nan kòmansman ane sa a, National Science Foundation te anonse tou yon investisman 160 milyon dola nan Motè Estokaj New Energy New York nan Inivèsite Binghamton pou etabli yon sant pou inovasyon, tradiksyon teknoloji, ak devlopman mendèv pou ogmante kapasite endistri batri domestik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)